

REGIAE. VNIVERSITATI. LITTERARVM
GEORGIAE. AVGVSTAE

A. D. XV. CALENDAS. OCTOBRES. MDCCCXXXVII. 1837

SACRA. SECVLARIA. PRIMA. FELICITER
PROCVRANTI. EX. ANIMI. SENTENTIA
GRATVLATVR. ATQVE. VT. BONA
FAVSTA. FORTVNATAQVE. OMNIA. EI
OMNEM. IN. AETATEM. PROROGENTVR
VOTIS. PIIS. APPRECATVR

VNIVERSITAS. LITTERARIA
FRIDERICIANA. HALENSIS
CVM. VITEBERGENSI. CONSOCIATA



HALIS. SAXONVM

FORMIS. GEBAVERIIS

38

M. H. E. Meier

M. R. K.

UNIVERSITATIS. FRIDERICIANAE

HALENSIS. CVM. VITEBERGENSI. CONSOCIATAE

PRORECTOR

ERN. ADOLPH. THEOD. LASPEYRES

CVM. DIRECTORE. ET. SENATV

INCLITAE. UNIVERSITATIS. LITTERARIAE

GEORGIAE. AVGVSTAE

PRORECTORI. MAGNIFICO. ET. SENATVI. AMPLISSIMO
SALVTEM. ET. FELICITATEM. PERPETVAM. PRECANTVR

12

Apud Graecos satis constat ferias festosque dies non eo tantum spectasse, ut deorum expiarentur religiones pietateque perfungerentur mortales, ut operum et laborum, litium et iurgiorum esset requies et omnes publice quasi ad hilaritatem cogerentur, sed ad congregandos etiam homines coniungendosque et ad animos inter se conciliandos plurimum valuisse ¹⁾. Ita factum est, ut quae feriae sive *εορταί* essent, eadem maximam partem etiam conventus sive *πανηγύρεις* dicerentur. Neque ea ratio eorum tantum erat sollemnium, quae aut (ut Olympia, Pythia, Nemea, Isthmia) prae reliquis omnium Graecorum communia putabantur, aut (ut Pamboeotia, Daedala magna, Panachaea, Panaetolia, Panionia, Delia, alia) ad amphictyonias vel ad syntelias civitatum aliquot pertinebant, sed eadem dici potest nonnullarum feriarum fuisse, quae intra unius civitatis terminos continebantur; nam si ab iis recesseris sollemnibus, quae erant aut tribuum, aut pagorum, aut curiarum, aut gentium, aut, ut *χαλκεῖα* apud Athenienses, collegiorum quorundam propria, reliquae feriae, quae quidem *πάνδημοι* et *δημοτελεῖς* erant, non solum cives congregabant, sed maiores certe feriae maiorum civitatum, quae magnum sacrificiorum ap-

1) De caussis festorum dierum cf. Isocrat. Paneg. XII. §. 43 sqq. Plat. Legg. II. princ. p. 654. Dionys. H. art. rhet. c. 1. et quos laudant Lobeckius Aglaoph. 684. et inter-pret. ad Cicer. Legg. II, 12.

paratum, pomparum ornatum visendum et ludorum magnam celebritatem habebant, peregrinos etiam numero multos ad se invitabant, ut Panathenaea, Eleusinia et Dionysia magna apud Athenienses, Hyacinthia apud Spartanos, Heraea apud Argivos, Aphrodisia apud Corinthios, Adrastea apud Sicyonios, Asclepiea apud Epidaurios, Heliæa apud Rhodios et id genus alia. Inter eos autem peregrinos principem locum obtinuisse videntur θεωροί²⁾, qui Do-riensibus θεωροί dicebantur, de quibus liceret accuratius agere, si aut Aeschyli tragoedia θεωροί ἢ Ἰοθρμιασταί (de qua erudite commentatus est Welckerus), aut Epicharmi comoedia θεωροί, aut Euphronis Comici fabula θεωροί extaret. Nominis veriloquium, quod veteres Grammatici commenti sunt, cum ab Θεῶν ὥρα eius originem derivarent³⁾, placuit id doctissimis viris⁴⁾, nobis non placet, neque magis θεωρόν, θυρωρόν, πυλωρόν, κηπωρόν, ὑλωρόν, σκευωρόν, νωρόν, ab ὥρας vocabulo derivata dixerimus, quam τιμωρόν et θυρωρόν, quae ab τιμή et θύ sive θυγή producta esse patet; a quibus plane diversam rationem sequuntur tum εὐωρος et ὀλίγωρος, tum τέτρωρος, πέλωρος, id quod accentus discrimen satis docet⁵⁾. Atque θεωροῦ verbum ut ab Θεάς voce productum arbitremur, suadet primum θεωρεῖν et θεωρία, quod de spectando et spectaculo omnibus scriptoribus usurpatum est, uti

2) De theoris data opera disputaverunt Van Dale dissertatt. p. 468 sqq. Spanh. ad Callim. h. in Del. v. 314. Valckenarius Animadverss. ad Ammon. p. 92 sqq. et qui tum ab intpp. ad Hesych. tum in Stephani Thesaur. s. v. θεωρός et ἀρχιθέωρος excitantur.

3) Pollucis II, 55. mira est oscitantia, qui cum θεωρός, καὶ συνθέωρος, καὶ θεωρία, καὶ θεωρικόν, καὶ τὰ τοιαῦτα ἀπὸ τοῦ θεᾶσθαι dicta esse concedat, incredibile addit tamen fingit veriloquium hoc: οἱ γὰρ Πυθαῶδε θεωροὶ καὶ θεωρικὴ ὁδὸς καὶ θεωρὸς ναῦς ἀπὸ τοῦ πρὸς θεὸν ὁρᾶν ἢ ὁρμᾶν ἢ ὁδεύειν λέγεται.

4) Cf. C. O. Mueller Aeginet. p. 135. Buttmann Gr. Gr. max. II, 350. Welcker Praefat. ad Theogn. p. XVII.

5) Goettling de accent. p. 208.

θεωρός ipsum certe poetis ⁶⁾ de spectatoribus dicitur, atque Atticorum theatralē pecuniam θεωρικόν quis non praetulerit cum Caecilio Calactino ab spectaculis, quam cum Ammonio aliisque grammaticis ab re divina facienda repetere? Duo autem fuisse diversa θεωρεῖν vocabula, alterum ab θέας, alterum ^{ab θεωρῶν ὥρας} deducendum, nobis quidem admodum improbabile videtur. Dein quod Aeginetarum, Mantinensium, Troezeniorum, Naupactionum, Ceorum, Thasiorum magistratus quidam θεωροί, vel θεαροί, vel θεύροί dicebantur ⁷⁾, quorum nominibus in aliquot civitatibus etiam annus notabatur, quos magistratus ad procurandas deorum religiones pertinuisse non constat certe ⁸⁾, spectatores autem vel inspectores fuisse credibile est, etiam id probare videtur in graeco nomine non magis quam in germanico „Seher” infuisse quod iam ab ipsa origine ad rem divinam spectaret. Haec nos movent, ut θεάσασθαι et θεατάς distinguamus quidem ab θεωρῆσαι et θεωροῖς, sed etiam haec de augustioris sane rei at de spectaculo tamen et spectatoribus primitus dicta esse credamus. At, inquit, hoc θεωρῶν nomine dicuntur etiam, quos non spectandi caussa, sed eo tantum consilio, ut oracula ⁹⁾ consulerent eorumque responsa referrent, missos esse constat.

6) Aeschyl. Prom. 118. πόνων ἐμῶν θεωρός. Choeph. 244. θεωρός τῶνδε πραγμάτων. fragm. 408. τοιοῦδε πράγματος θεωρός ὢν. Eurip. Ion. 1091. λαμπάδα θεωρὸν εἰκάδων.

7) Boeckh C. I. Gr. 1, p. 857. ed. ad no. 2161.

8) Scio aliud statuuisse doctissimum Pindari interpretem ad Nem. III, 67.

9) Ammon. θεωρός μὲν ἐστὶν ὁ εἰς θεοὺς πεμπόμενος. Eran. Philo p. 169. θεωρός μὲν ὁ εἰς θεοὺς πεμπόμενος. Harpocr. Suid. θεωροὶ μέντοι λέγονται οὐ μόνον οἱ θεαταὶ ἀλλὰ καὶ οἱ εἰς θεοὺς πεμπόμενοι. Schol. Sophocl. Oed. T. 113. θ. ὁ πρὸς τοὺς θεοὺς διὰ χρησμὸν ἀπερχόμενος. Pollux I, 18. καὶ οἱ χρώμενοι θεωροί. Erotian. exposit. voc. Hippocr. p. 182. Franz. θ. λέγονται οἱ εἰς θεοὺς πεμπόμενοι χρησμῶν ἐπισκέψεως χάριν. Etym. M. 448, 42. Etym. Gud. 260, 44. Hesych. θεωροὶ οἱ θεοπρόποι Atque eo significatu extat vocabulum apud Sophocl. Oed. Col. 409. ἀνδρῶν θεωρῶν Δελφικῆς ἀφ'

Agitur hic illud *θεωρῶν* genus, qui erant publice ⁴¹⁾ in peregrinas civitates missi, ut suarum civitatum vel regum suorum tyrannorumve nomine tum sacris peragendis et pompis deducendis ludisque fa-

11) Plut. Demetr. 11. Stratocles rogationem tulit apud Athenienses, ὡς οἱ πεμπόμενοι κατὰ ψήφισμα δημοσίᾳ πρὸς Ἀντίγονον ἢ Δημήτριον ἀντὶ πρεσβευτῶν θεωροὶ λέγοντο, καθάπερ οἱ Πυθοῖ καὶ Ὀλυμπιάζε τὰς πατρίους θυσίας ὑπὲρ τῶν πόλεων ἀπάγοντες ἐν ταῖς Ἑλληνικαῖς ἑορταῖς. Schol. Arist. Pac. 342. θεωροὺς δὲ ἐκάλουν τοὺς ἀπὸ τῶν πόλεων δημοσίων (l. δημοσίᾳ) ἐκπεμπομένους συνθύσσοντας καὶ συμπανηγυρίζοντας. Hi loci satis docent θεωροὺς proprie non dici, si qui privatim ad ludorum sollemnia spectanda vel ad oracula consulenda proficiscerentur, sed tantum qui publice essent ab civitatibus suis missi; pauci omnino ita fuerint opulenti, ut sumptibus illius itineris privatim faciendis pares essent; paucos autem illos credibile est adiunxisse se publicis civitatis snæ theoris, ut publico nomine comprehendere potuerint, quamquam quod hi quoque θεωρῆσαι dicebantur, non propterea statim credendum est etiam θεωρῶν ad eos nomen pertinuisse; nam illud utrumque significat et

Asianum si forte mi Pithorum nigris pithis dixeris pithis e. quod est sacrificium deo et irrigatio Regis bene videtur f. in
Belle videtur erat) una cum pompa fieri solebat, et Helod. Aeth. 2. 34 f.

esse theorum, et spectare. Huc refero Herodoti illud I, 59. Ἱπποκράτει γὰρ ἔόντι ἰδιώτῃ καὶ θεωροῦντι τὰ Ὀλύμπια, et ne eum quidem Hippocratem, Pisistrati patrem, suo nomine Olympiam profectum esse constat; eodem refero Lucian. Timon. 50. οὐδὲ ἐθέρωσα ἐγὼ πώποτε εἰς Ὀλύμπια (ita enim pro Ὀλυμπίαν scribendum videtur, quamquam etiam ἀρχιθεωρὸν εἰς Ἰσθμὸν καὶ Ὀλυμπίαζε [Andoc. de myst. 65.] et Πυθῶδε θεωρός [cf. not. 3.] reperitur. Nam qua ratione θίειν εἰς τὰ ἱερά, εἰς τὴν πανήγυριν [cf. not. 12.], eadem etiam θεωρεῖν εἰς τὰ Ἐφέσια Thuc. III, 104. εἰς Ἰσθμια Thuc. VIII, 10. dicebatur.

13) Psendo - Andoc. c. Alcib. 126. τὰ πομπεῖα παρὰ τῶν ἀρχιθεωρῶν αἰτησάμενος, ubi agitur de theoria Attica Olympiam missa. cf. not. 38. De accentu, nam alii scribunt ἀρχιθεω-
ρος, cf. Goettling. de acc. p. 315. 14) Demosth. c. Mid. 552. εἴασε δ' ἀρχι-
θεωροῦντα ἀγαγεῖν τῷ Διὶ τῷ Νεμεῖῳ τὴν κοινὴν ὑπὲρ τῆς πόλεως θεωρίαν. Apud Athenienses
architheoriam constat ex liturgiis extraordinariis fuisse cf. Lys. p. 700.

Comm. app'd. at 2 theor. methods at approx. 1000. 1. 3/6/66

χειν¹⁵⁾ sive ducere theoriam dicebatur, denique qui eidem legationi sacrae intererant, συνθεωροὶ vocabantur. Theori autem eorumque princeps creabantur¹⁶⁾ suffragiis aut populi aut senatus¹⁷⁾, nisi quod apud Lacedaemonios Pythii, quo nomine dicebantur Spartaē theori Delphos missi, ab regibus designabantur; in creandis autem theoris credibile est idem civitates spectasse, quod partim Plato¹⁸⁾ spectari iubet, ut essent et genere nobilissimi, et forma praestantissimi et virtute optimi, et rei divinae impri-
mis gnari. Atque Atticos theoros in Delum missos Herodotus diserte principes civitatis appellat. Creabantur nonnumquam qui cum magistratu erant et imperio, veluti apud Athenienses Demosthenem¹⁹⁾ scimus, senator cum esset, Iovi Nemio architheorum esse missum, et ad Pythia²⁰⁾ partim thesmoethetas partim senatores aliquot ex more mitti solitos, neque est dissimile veri aliquot theoriarum legatos ex iisdem familiis²¹⁾ hereditario quodam iure esse captos. Sumptus praebebat partim civitas, at-

15) Heliod. Aethiop. II, 34.

16) Demosth. 531. αἵρετοὺς πέμπειν κελύει θεωροὺς ἐννέα. Corp. Inscr. Graec. 2270.

ἀρχιθεωρὸς αἵρεθεὶς. *καὶ αὐτὸς ὁ ἀρχιθεωρὸς ἦν ὁ ἀρχιθεωρὸς*

17) Dinarch. c. Demosth. p. 100, 29. (p. 57. R.) ἀρχιθεωρὸν αὐτὸν ἐπέδωκε τῇ βουλῇ. Schol. Pac. 716. ἡ βουλὴ τὰς θεωρίας ἐξέπεμπε. cf. Aristoph. 874. 883.

18) Legg. XII, 950. extr. πέμπειν δὲ εἰς δύναμιν ὅτι πλείστον ἡμᾶ καὶ καλλίστους τε καὶ ἀρίστον, οἵτινες εὐδόκιμον τὴν πόλιν ἐν ἱεραῖς τε καὶ εἰρηνικαῖς ξυνουσίαις ποιήσουσι δοκεῖν.

19) cf. not. 14.

20) Demosth. f. l. 380, 21. ὥστε μήτε τοὺς ἐκ τῆς βουλῆς θεωροὺς μήτε τοὺς θεσμοθέτας εἰς τὰ Πύθια πέμψαι. Cf. commentationem nostram de Olymp. lud. in Encycl. Art. III, 3. p. 301.

21) Certe apud Athenienses Delias et Pythias ex gentibus quibusdam captos esse Philochori locus ap. schol. Sophocl. Oed. Col. 1047. docere videtur, quem, quod eo infra etiam utemur, integrum adscribamus, praesertim cum in eo restituendo discedam nonnihil ab sententia praestantissimi viri O. Muellerei (de Doriens. I, 240.): ὅταν δὲ σημεῖα γένηται παραδεδομένα ἐν τοῖς ἱεροῖς, τότε ἀποστέλλουσι τὴν θεωρίαν οἱ ἐκ τοῦ γένους Πυθιασταὶ καὶ Ἀθλιασταὶ [libri: Πυθιαὶ τε καὶ Ἀθλιαδαί, Valesius ad Harpocr. v. Ἀθλιασταὶ et Mullerus: Πυθιάδα καὶ Ἀθλιαδα]

... ἀποστέλλουσι τὴν θεωρίαν οἱ ἐκ τοῦ γένους Πυθιασταὶ καὶ Ἀθλιασταὶ [libri: Πυθιαὶ τε καὶ Ἀθλιαδαί, Valesius ad Harpocr. v. Ἀθλιασταὶ et Mullerus: Πυθιάδα καὶ Ἀθλιαδα]
... ἀποστέλλουσι τὴν θεωρίαν οἱ ἐκ τοῦ γένους Πυθιασταὶ καὶ Ἀθλιασταὶ [libri: Πυθιαὶ τε καὶ Ἀθλιαδαί, Valesius ad Harpocr. v. Ἀθλιασταὶ et Mullerus: Πυθιάδα καὶ Ἀθλιαδα]
... ἀποστέλλουσι τὴν θεωρίαν οἱ ἐκ τοῦ γένους Πυθιασταὶ καὶ Ἀθλιασταὶ [libri: Πυθιαὶ τε καὶ Ἀθλιαδαί, Valesius ad Harpocr. v. Ἀθλιασταὶ et Mullerus: Πυθιάδα καὶ Ἀθλιαδα]

que apud Athenienses Androtio²²⁾ auctor est colacretas theoris Delphos missis viaticum et reliquum sumptum ex naucrariarum tributis antiquitus dedisse, neque est cur aliud aliorum theororum institutum fuisse credas; frumentum, quo sibi in itinere opus esset, theori, praesertim Delphos missi, in cista condebant, quae ἀχάνη dicebatur²³⁾; civitatis erat etiam victimam ab theoris suis mactandam aut eius pretium, et vasa ad pompam deducendam idonea, aurea argenteaque, quae πομπεία dicebantur²⁴⁾ et Athenis quidem in Pompeo recondebantur, et vasa theoriae et sacrificiis necessaria, quae χρηστέα²⁵⁾ σκεύη vocabantur, per mare autem deducendis theoriis naves etiam egregie ornatas et optimis remigibus instructas²⁶⁾ praeberē, quae ἱεραὶ et ἱεραγωγοί²⁷⁾ et θεωρίδες²⁸⁾ appellabantur. Quod ad Atheniensium sacras naves²⁹⁾, de quibus grammatici veteres minus probabiliter videntur sta-

ὅποτέρᾳ ἂν καθήκησιν αὐτοῖς· θύει δὲ ὁ μάντις, ὅταν μὲν τὰ εἰς Δελφοὺς πόμπημα γένηται καὶ θεωρία πέμπηται, ἐν Οἰνῳ καθ' ἐκάστην ἡμέραν ἐν τῷ Πυθίῳ· εἰ δὲ εἰς Ἀῆλον ἀποστέλλοιτο ἡ θεωρία, κατὰ τὰ προειρημένα θύει ὁ μάντις εἰς τὸ ἐν Μαραθῶνι Ἀῆλιον· καὶ ἔστιν ἱεροσκοπία τῆς μὲν εἰς Δελφοὺς θεωρίας ἐν τῷ ἐν Οἰνῳ Πυθίῳ, τῆς δὲ εἰς Ἀῆλον ἐν τῷ ἐν Μαραθῶνι Ἀηλίῳ.

22) Schol. Aristoph. Av. 1548. Boeckh. Oec. Civ. Ath. I, 188 sq.

23) Schol. Aristoph. Ach. 108. ἄλλοι δὲ φασιν, ὅτι (sc. ἀχάνη) κίστη ἐστὶν εἰς ἣν κατετίθεντο τοὺς ἐπισιτισμοὺς οἱ ἐπὶ τὰς θεωρίας στελλόμενοι. Poll. X, 165. ἔνιοι δὲ τὴν θεωρικὴν κίστην οὕτω (i. e. ἀχάνας) κεκλησθαι νομίζουσιν. — οἱ δὲ κοιτίδας τὰς Πυθῶδε ἰόντων.

24) Pseudo-Andoc. c. Alcib. p. 126.

25) Pollux X, 11.

26) Plutarch. Camill. 8. καὶ μὲν μικρὰν εὐανδροῦντι πληρώματι καὶ κόσμῳ πανηγυρικῶς κατασκεύασαντες.

27) Polyb. XXXI, 20, 11.

28) Poll. II, 56. Thom. M. p. 181. Ritschl. Suid. v. Σωκράτης. Philostrate. Imagg. I, 19., ubi Bacchi navis et ἱερά et θεωρίς dicitur. Non sine acerba ironia usus est vocabulo Aeschyl. Sept. 857., Charentis navem eo nomine appellans.

29) Vid. Boeckh Oec. Civ. Ath. I, 258. II, 217. et mea ad schol. Demosth. c. Mid. T. 1. p. 214.

tuisse, antiquitus, etiam Aeginetico bello et altero Persico, una fuerit ^{ἡ αὐτὴ νῆα Δελίας} ~~quinqueremis~~³⁰⁾, in eius locum aliquanto ante Peloponnesiorum bellum duae successerint triremes, quarum altera, quod Salamina ad insulam ancoras tenebat, Salaminia, [et quod Deliae³¹⁾ theoriae deducendae adhibebatur, etiam Delia et Theoris,] altera, cum in Paralia sive ora maritima Atticae ^{c. 2.} atque ad Sunium potissimum in ancoris consisteret olim, etsi Demosthenis temporibus aliquando³²⁾ ad Marathona commorabatur, Paralus vocabatur; eiusdem Demosthenis temporibus accesserit tertia theoriae ad Ammonem deducendae, ideoque Ammonias vocata; ^{καὶ αὐτὴ Ἀλκιβιάδου Ἀπολλωνίου πόλεως ἀνασκευασμένη νῆα} anno Ol. CXVIII, 3. Demetriada et Antigonida non novas credimus additas, sed nominibus illis duas ex superstitionibus sacris navibus appellatas esse, donec cum ceteris Demetrii et Antigoni honoribus abolitis ad vetera nomina rediretur; postremum inter Ol. CXXV, 3. et CXXXIII, 2. non novam theorida ^{ἡ μὲν αὖτε τῆς ὁδοῦ τῆς ἀπὸ τῆς Ἀθηνῶν πρὸς τὴν Ἑλλάδα καὶ τὴν Ἀσίαν ὁδοῦ τῆς ἀπὸ τῆς Ἀθηνῶν πρὸς τὴν Ἑλλάδα καὶ τὴν Ἀσίαν ὁδοῦ τῆς ἀπὸ τῆς Ἀθηνῶν πρὸς τὴν Ἑλλάδα καὶ τὴν Ἀσίαν}

^{sc. 30)} Herodot. VI, 87. ἦν γὰρ δὴ τοῖσι Ἀθηναίοισι πεντήρης ἐπὶ Σουνίῳ λοχήσαντες ὧν (sc. οἱ Αἰγινήται) τὴν θεωρίδα νῆα εἶλον πληρεῖα ἀνδρῶν τῶν πρώτων Ἀθηναίων. Eam quinqueremem Deliam non male dixeris, Salaminiam multo minus licet dicere quam Paraliam. Cum etiam ad Artemisium pugnae una interfuerit sacra navis (Plut. Themistocl. 7. ὅς ἦν μὲν ἐπὶ τῆς ἱερᾶς νεῶς, τριήραρχος), credibile est ne tum quidem iam duas theoridas Atheniensibus fuisse.

31) Deliam Atheniensium theoriam admodum antiquam fuisse Deliaetae in Solonis legibus commemorati satis evincunt; fabulae tamen Atticae de Erysichthone Cecropis filio et de Theseo primis eius auctoribus fucum nemini fecerint; cf. Boeckh. explicat. inscript. Del. in Comment. Acad. Berol. 1834. p. 2 sqq. Quae vero Plutarchus an seni sit gerend. respubl. c. 6. T. XII. p. 109. H. de artificio narrat, quo curatum sit, ut Deliacae navis eadem perpetuo esse videretur, cum, quoties esset aliqua materia putrefacta, nova insereretur, apud nos non tantum valet, ut Deliam navem semper triremem fuisse arbitremur.

^{sc. 32)} Demosth. Phil. I, 50, 1. τὰ τελευταῖα δ' εἰς Μαραθῶνα ἀπέβη καὶ τὴν ἱερὰν ἀπὸ τῆς χώρας ὧχετ' ἔχων τριήρη. Paralum esse intellegendam Harpocratio v. ἱερὰ τριήρης ex Philochoro et Androtione patere auctor est.

Ptolemaida exstructam sed nomen id uni ex superstitionibus sacris navibus datum esse. — Quamquam autem architheoriam trierarchia minus sumptuosam fuisse constat³³⁾, non minimam tamen sumptuum partem in se receperit architheorus, praesertim si qui eandem liberalitatem honorisque contentionem prae se ferret quam Nicias, cum theoriam in Delum deduceret³⁴⁾. Verum hi, ut omnes omnino sumptus theoriarum, non fuerint omnium iidem, sed pro civitatis, quae mittebat, magnitudine et opulentia, pro sacrorum ad quae mittebatur celebritate, et pro legatorum numero³⁵⁾, pro privatorum, qui legationi se adiungerent, multitudine³⁶⁾ diversi; sic, ut hoc utar exemplo, credibile est ab Atheniensibus missas theorias reliquarum urbium theoriis si minus splendore at certe elegantia ornatus praestitisse, ex Atticis autem theoriis penes eam, quae singulis annis ad Delia, atque ex ipsis his Deliis penes eam, quae tertio cuiusque Olympiadis anno ad Delia Magna mitteretur, ornatus elegantiaeque quendam principatum fuisse; ea enim theoria inter alia etiam chororum in Delum ducebat (*ἀνάγειν* vel *πέμπειν χορόν* dicebatur) tanta magnificentia instructum, ita ab arte eruditum, qui reliquos choros ab aliis

33) Aristot. Ethic. Nicom. IV, 2, 2. Zell. οὐ γὰρ τὸ αὐτὸ δαπάνημα τριηράρχῳ καὶ ἀρχιθεωρῷ.

34) Plutarch. Nic. 13.

35) „Quam plurimos” habet Plato legg. XII, 950., novem theoros oraculum Dodonaeanum ap. Demosth. Mid. 531. iubet ab Atheniensibus sed extra ordinem Dodonam mitti, tres Romani miserunt, qui Delphico deo donaria redderent Plut. Camill. 8.; et tres legatos habes etiam in Deliaci marmore C. J. Gr. 2270. et alibi.

36) Ad propinqua sollemnia nonnumquam *πανόθημα* ἐθεώρουν, veluti Iones ad Delia olim et ad Ephesia ξὺν γυναιξὶ καὶ παισὶν ἐθεώρουν. Thuc. III, 104. Theoria Peloponnesia Delphos missa μετὰ παιδῶν καὶ γυναικῶν commemoratur ap. Plutarch. Quaest. Gr. 59.

*Quoniam primum quod ap. Plut. de cor. 22. apud Ion tot theoros κατὰ κράτος ἀπέδωκεν οὐδὲν ἐκ τῶν
πικρῶν (1. θεωρῶν) ἔλαττον μὲν, οὐς δὲ οὐκ ἀπ. Νικίας μ. 9. καὶ 11. καὶ οὐκ ἀπ. Νικίας μ. 9.*

40) *Heniochus Comicus* ap. Stob. Florileg. tit. 43, 217. τὸ χωρίον μὲν γὰρ τοῦ ἐστὶ
 αἰν. cursive in *Capitulum Heniochi*: *et cetera* (20 = *et cetera* del. Lat. 1855) *et cetera*. ἡ πόλις ἡ Ἀθηναίων
 τοῦδοκιμὸς τοῦ Διὸς τοῦ βασιλεῖος ἐστὶν ἡ πόλις τῆς Ἀθηνῶν.

bantur ⁴¹⁾. Theoriis autem, quod ad splendorem et magnificentiam sollemnium non mediocriter facere videbantur, tantum tribuebatur, ut earum nomine civitatibus, a quibus essent missae, nonnumquam coronam decerneret ea civitas, ad quam essent profectae; sic Deliaci quodam marmore Eubulus Delius Atheniensis ab cleruchica civitate Atheniensium in Delo constituta laudatur eique corona decernitur aurea, quod inter alia, cum esset architheorus ad Panathenaea Attica electus, ita cum filio et reliquis syntheoris re sua esset functus, ut populus Atheniensis Deliorum ab populo Atheniensi Athenarum corona aurea ornaretur ⁴²⁾. Quae vero civitates mitterent theorias, iis ab ea civitate, cuius erant sollemnia, eorum tempus verbis sollemnibus indici (ἐπαγγέλλεσθαι) solebat ⁴³⁾, id quod cum induciarum sacrarum (ἐκχειρίας s. σπονδῶν) denunciatione ⁴⁴⁾ coniunctum erat; illa indictione etiam statae feriae et sacra carere non poterant, quod diversus neque idem erat civitatibus anni ordinandi modus. Nonnumquam legatio circumibat civitates, quae eas ad

πάν κύκλῳ Ὀλυμπία, τῇδὲ δὲ τὴν σκηνὴν ἐκεῖ σκηνὴν ὄρῳν θεωρικὴν νομίζετε. Pseudo-Alcib. c. Alcib. §. 30. Plut. Alcib. 12. Athen. XII, 534, d. Atque hi loci ad tentoria Olympica pertinent, Isthmicorum fidem facit Aristoph. Pac. 877. ἐς Ἴσθμια σκηνὴν καταλαμβάνω.

41) Dionys. H. in Lys. p. 520. ἐπεμψε θεωροὺς εἰς τὴν πανήγυριν ὁ Διονύσιος ἄγοντας θυσίαν τῷ θεῷ, μεγαλοπρεπὴς τε καταγωγὴ τῶν θεωρῶν ἐγένετο ἐν τῷ τεμένει.

42) Corp. Inscr. Gr. no. 2270. ἀρχεθεωρός τε αἰρεθεὶς καὶ μετὰ τοῦ δοῦ καὶ τῶν ἄλλων συνθεῶρων πάντα καλῶς καὶ πρεπόντως βραβεύσας τότε πρῶτον Παναθηναίοις ἐποίησε τὸν δῆμον τὸν Ἀθηναίων τῶν ἐν Ἀθῆναις τιμηθῆναι χρυσῷ στεφάνῳ ἀνηγορευμένῳ ἐν τῷ ἐν ἄστει θεάτρῳ.

43) Thuc. VIII, 10. ἐν δὲ τούτῳ τὰ Ἴσθμια ἐγένετο, καὶ οἱ Ἀθηναῖοι (ἐπηγγέλθησαν γάρ) ἐθεώρουν ἐς αὐτά.

44) De his induciis disputavi in commentatione de Olympiis p. 298 sq.

obeunda sollemnia atque ad ludorum societatem vocaret, et ea quoque legatio θεωρία dicebatur ⁴⁵⁾).

Induciae autem sacrae eam vim habebant, ut per totum *ιερομηνίας* tempus, ex quo proficiscerentur ad ludos theori, donec redirent domum, essent quasi sacrosancti neque impune ab quoquam violari possent; qui autem violasset theorum, insigniter impius videbatur, eamque improbitatem non humana tantum lex vindicare sed deorum etiam ira ulcisci credebatur; levior iniuria multa irroganda plectebatur; graviores aliquando ipsi Amphictyones Delphici vindicarunt ⁴⁶⁾; multa ei deo erat, cuius numen esset facta iniuria neglectisque induciis violatum; qui non solveret multam, ei sacris eius dei interdicebatur et fortasse pignoribus capiendis cogebatur. —

Verum uti nihil publice sine auspiciis gerebatur, ita theoria quoque non mittebatur nisi auspicato; plerumque aruspex extis inquirebat, nonnumquam etiam de coelo observabatur. Athenis scimus, antequam verno tempore Delphica theoria mitteretur, per tres menses, singulis mensibus per triduum totidemque noctes, fulgura expectasse Pythiastas ad aram considentes Iovis Fulgurantis (quae intra muros urbis inter Pythium et Olympium erat), oculis ad Harma conversis, neque profectam esse theoriam, antequam fulgura Pythica annuissent; cum vero iam mitteretur, aruspicem quotidie in Pythio eo, quod in Oenoë pago erat, litasse,

45) Polyb. XXXI, 3. Ὁ Ἀντίοχος — ἐξέπεμψε πρέσβεις καὶ θεωροὺς εἰς τὰς πόλεις καταγγελοῦντας τοὺς ἐσομένους ἀγῶνας. Id. XXVIII, 16, 4, c. n. Diodor. IV, 53. καὶ θεωροὺς ἀποστεῖλαι τοὺς ταῖς πόλεσι προερούοντας τὴν θεῖαν τῶν ἀγῶνων.

46) cf. Plutarch. Quaest. Graec. extr. de ἀμαξοκλισταῖς Megarensium.

Viam theoria non aliam aliis annis faciebat, sed quod iter primum petiverat, idem perpetuo tenebat; nam uti in omni re divina, ita etiam in theoriis ad patrios ritus (κατὰ τὰ πάτρια) omnia revocanda erant⁴⁸⁾; ea via sacra et habebatur et dicebatur (θεωρίς s. ἱερὰ ὁδός)⁴⁹⁾. Neque vero solum cum proficiscerentur theori, sed etiam in ipso itinere quibusdam in stationibus litabatur; sic Siculorum theori, quoties ex Sicilia solverent, primum sacrificium faciebant in ara Apollinis archegetae, quae extra urbem Naxi erat⁵⁰⁾. Euripidis⁵¹⁾ vero κοῦραι δὲ καὶ πεπλώματ' οἱ θεωριζά non probant theoris suam fuisse propriam comae componendae rationem et proprias vestes, sed theori, ut sacerdotes et quicumque rem divinam faciebant, promisso capillo⁵²⁾, candida niveaque veste⁵³⁾ et corona⁵⁴⁾ frondea usi sint; quas autem mulieres supplicantes et aris advolutas The-

seus apud Euripidem videt, fuerint illae detonsa coma⁵⁵⁾ et pullo pallio. Neque in rheda meritoria aut plaustro vehebantur theori, sed decoris carpentis magnifice ornatis, quae credibile est ab sacerdote eius dei, cui sacra esset theoria, non minus coronata⁵⁶⁾ esse, quam Deliae navis puppi constat Apollinis sacerdotem coronam imposuisse, idque initium fuisse theoriae⁵⁷⁾. Theoriae additi fuerint et sacerdos et praeco sacer et ministri⁵⁸⁾.

Cum vero advenissent theori, quo erant missi, agerenturque iam sollemnia, quorum caussa erant missi, ita veniebant in communionem sacrorum et ludorum⁵⁹⁾, ut non interessent tantum rei divinae, sed ipsi offerrent deo civitatis suae nomine hostiam, aut frugum suarum primitias, quibus nonnumquam pretiosiora accesserint donaria, atque in his sacris faciendis versatas potissimum esse theorias tum grammaticorum⁶⁰⁾ glossae docent, tum ii loci probant, in quibus aut solum *θυσίαν*

55) Πένθιμος κορυά (Polluc. II, 29.) erat ἐν χρῶ κεκαυμένων (cf. Xenoph. H. Gr. I, 7, 8.) i. e. ad cutem tonsorum.

56) Hesych. l. c. ἐστειράνουν γὰρ οὗτοι (i. e. θεωροί) τὰς ἀπήνας.

57) Plat. Phaedon. init.

58) Apud Eustath. de amor. Hysm. I, int. describi vestitum κήρυκος θεωροῦ monuit Iacobsius ad Philostr. Imagg. p. 325. Θεωρίας ὑπηρέται extant ap. Heliodor. IV, 19.

59) Plat. Legg. XII, 950, E. κοινωνοῦντας θυσιῶν τε καὶ ἀγῶνων τούτοις τοῖς θεοῖς.

60) Etym. M. v. ἀρχιθεωρός p. 151, 32. ὁ ἡγούμενος τῶν θεωρῶν. θεωροὶ δὲ εἰσιν οἱ τὴν θεωρίαν φέροντες τοῖς θεοῖς εἰς τοὺς Ἑλληνικοὺς ἀγῶνας καὶ ὑπὲρ τῶν πατρῶν [i. πατριδῶν] θύοντες. id. 448, 43. θεωροὶ — οἱ φύλακες τῶν θυσιῶν καὶ χρησμῶν. Etym. Gud. 267, 19. θεωρεῖν ἐστὶ τὸ τὰς θυσίας φυλάττειν — ὅθεν καὶ θεωροὶ οἱ διὰ τοῦτο ἀποστελλόμενοι. Schol. Plat. Phaed. init. θεωρίαν ἀπάξειν ἀντὶ τοῦ θυσίαν ἀπενεγκεῖν. θεωροὶ δὲ εἰσιν οἱ πεμπόμενοι θῦσαι καὶ θεραπεῦσαι τὸν θεόν, ὅθεν — καὶ ὁ ἱερεὺς θεωρός

ἀπάγειν aut *θυσίαν* καὶ *θεωρίαν* ἀπάγειν extat. Quibusnam esset hostiis et quonam ordine ab singularum civitatum theoris immolandum, etiam illud fuerit usu moreque cautum; sic Atticae coloniae ad Panathenaeorum sollemnia boves singulos singulae misisse feruntur ⁶¹⁾, atque Asinaei Hermionensibus ad sacrificium annuum Cereri Chthoniae faciendum boves singulos singulis annis se esse missuros polliciti sunt ⁶²⁾; quod autem de ordine, credibile est quibus civitatibus *προμαντεία* et *προεδρία* data fuerit, earundem theoros etiam sacrificia esse auspicatos; sic, ut his utar exemplis, Atheniensibus erat in Isthmiis ludis proedria ⁶³⁾, Delphica promantia data erat aliis alio tempore, ut Croeso, Spartanis, Atheniensibus, Philippo Amyntae f. et aliquando etiam privatis ⁶⁴⁾. Nonnumquam theori non hostiam ipsam a patria secum ducendam curabant, sed in eo demum loco emebant, quo agebantur sollemnia; sic Iason cum Antiochenos aliquot theoros Tyrum mitteret, addidit CCC drachmas, quibus sacrificarent Herculi ⁶⁵⁾.

Moer. p. 185. *Θεωροὶ οἱ τὰς θυσίας ἀπάγοντες εἰς τὰ κοινὰ ἱερά κτλ.* Hesych. v. *Θεωρικός* — *Θεωρὸν δὲ ἐκάλουν τοὺς τοῖς θεοῖς τὰς ἀπαρχὰς ἀπάγοντας.* Suid. οἱ εἰς *θυσίαν* πεμπόμενοι καὶ εἰς τὰς ἑορτάς. Cum Paullus Amphipoli ludos magno apparatu faceret, convenerunt eo „et legationes cum victimis” Liv. 45, 32. Descriptionem *θυμιαμάτων* et *ἱερῶν θεωρίας* habes ap. Achill. Tat. II, 15.

61) Schol. Aristoph. Nub. 385.

62) cf. not. 39.

63) cf. infra p. XXII. not.

64) Bekk. Anecd. 289, 18. Herodot I, 54. c. n. Wess. Plutarch. Pericl. 12. Demosth. Phil. III, 119, 16. Corp. Inscr. Gr. 1689, b. 1691 sq.

65) Maccab. II, 4, 19.

Summus autem theoriarum apparatus, summa magnificentia in pompis deducendis ostentabatur, uti in pompa, a qua Antiochus Epiphanes ludorum ab se exhibitorum initium faciebat, etiam trecentae theoriae conspiciebantur ⁶⁶⁾; hic theori, quorum pars ⁶⁷⁾ *στλεγγίδας*, id est ornamenta capitis in strigilum formam facta, gestaverit, splendidis vestimentis induti, praeunte architheoro, qui coronam auream cum frontali gestaverit, comitante praecone sacro, sequente choro, si quidem chorus additus erat theoriae, magnam vim auri argentique, praesertim pompea illa sive vasa aurea argenteaque, de quibus supra dictum est, ferentes, pompam duxerint. — Magna pars illius ornatus non raro deo sollemnium praesidi donarii causa dabatur ⁶⁸⁾.

Quod ad ludos, si theoria additum habebat chorum, curabant theori, ut suus chorus cum choris aliarum urbium tripudiaret certaretque, atque hic architheorus quasi choragi munere functus fuerit; ceterum ludos spectabant theori, praesertim quibus esset proedria data, de illustriore loco. —

Plerumque epulae quoque fuerint in *ἐστιατορίῳ* legationibus sacris ab civitate ea, quae praeerat ludis, paratae non minima opulentia et cura ⁶⁹⁾.

66) Polyb. XXX, 3, 12., si locus sanus est.

67) Erotian. expos. voc. Hippocr. p. 328. *στλεγγίδα* Ἡρακλείδης μὲν ὁ Ταραντῖνος χρυσοῦ φησι ταινίδια εἶναι, οἷς χρῶνται τινες τῶν θεωρῶν. Boeckh. Oec. Civ. Ath. II, p. 331. Id. Corp. Inscr. Gr. T. I, p. 260. Gerhard. Indice Veter. Monumentor. Berolinens. I, p. 374.

68) Colligas id ex donariis, quae ab Callia Hipponici F. et Nicia Nicerati F. Atheniensibus Deliaci templo donata, commemorantur inscriptione, quam not. 67, significavimus.

69) Liv. XXXV, 32. *ἐστιάτοριον* Eleorum commemoratur Pausan. V, 15, 12.

Ad Olympiorum, Pythiorum, Nemeorum, Isthmiorum celebritatem⁷⁰⁾, theoriae a Graecis civitatibus plerisque mittebantur, nisi si qua civitas unis alterisque illorum sollemnium aut ut ἑκσπονδος τοῦ ἀγῶνος arcebatur, aut sua sponte abstinebat, veluti Isthmicis ludis Eleos exceptis Lepreatis abstinuisse constat⁷¹⁾. Dein ad metropolis sollemnia maiora, praesertim ad ea, quae diis praesidibus patriarum urbium (θεοὶς πολιούχοις) et diis patriis (θεοὶς πατρώοις) agebantur, coloniae, nisi quae debitam metropoli pietatem exuisset, reliquae omnes religiose sacras legationes mittebant; ita Tyrum ad Herculis sacra facienda Carthaginienses quotannis navigio cum cura electo theoros mittebant⁷²⁾; de Atheniensium coloniis dictum est paullo ante; atque Corinthios constat Corcyraeis etiam eo nomine offensos fuisse, quod sibi in communibus feriis non consuetos tribuissent honores, id est, ut Diodorus explicat, quod non, ut reliquae coloniae ab se deductae,

70) Etiam Plato Legg. XII, 950, E. iubet Πυθῶδε τῷ Ἀπόλλωνι καὶ εἰς Ὀλυμπίαν τῷ Διὶ καὶ εἰς Νεμέαν καὶ εἰς Ἰσθμόν χρηρὴ πέμπειν. Atque Plutarchus (Demetr. 11.) ubi Stratoclis rogationem commemorat, ut ad Antigonum Demetriumque mittendi non legati sed theorum nomine dicerentur, addit: καθάπερ οἱ Πυθοὶ καὶ Ὀλυμπίαζε τὰς πατέρας θυσίας ὑπὲρ τῶν πόλεων ἀπάγοντες ἐν ταῖς Ἑλληνικαῖς ἑορταῖς. Vides qui solum theorum nomen audivisset, eum statim de Olympicis potissimum Pythicisve theoris cogitasse. Decretum Byzantiorum ap. Demosth. de cor. 256, 14. iubet ἀποστεῖλαι δὲ καὶ θεωρίας εἰς τὰς ἐν τῇ Ἑλλάδι πανηγύριος, Ἰσθμία, καὶ Νέμεα, καὶ Ὀλύμπια καὶ Πύθια, καὶ ἀνακαρῶσαι τὼς στεφάνους, ὥς ἐστειφάνωται ὁ δῆμος ὁ Ἀθηναίων ὑφ' ἡμῶν.

71) Pausan. V, 2, 2 sq. VI, 3, 9. VI, 16, 2.

72) Arrian. II, 24, 5. Καρχηδονίων τινὲς θεωροὶ ἐς τιμὴν τοῦ Ἡρακλείους κατὰ δὴ τινα νόμον παλαιὸν εἰς τὴν μητρόπολιν ἀφικόμενοι. Curt. IV, 3, 10. (IV, 8. Zumpt.): Carthaginensium legati ad celebrandum sacrum anniversarium more patrio tunc venerant, quippe Carthaginem Tyrii condiderunt, semper parentum loco culti. Polyb. XXXI, 20, 12, Συμβαίνει δὲ τὰ πλοῖα ταῖσι (i. e. τὰ ἱεραγωγὰ) κατ' ἐκλογὴν λαμβάνεσθαι ἐκ τῆς Καρχηδόνης ἐφ' οἷς εἰς τὴν Τύρον ἐκπέμπουσιν οἱ Καρχηδόνιοι τὰς πατέρας ἀπαρχὰς τοῖς θεοῖς.

consueta sacra metropoli misissent ⁷³). Maxime memorabile erat ludicrum Panhelleniorum; Hadrianus enim postquam templum Iovis Panhellenii condiderat Athenis, quod *Πανελλήνιον* fuerit dictum, illa sacra instituit, Panhellenii cognomen sibi ea re meritis, atque ad ea procuranda iussit ab singulis Graeciae civitatibus theoros mitti, qui Panhellenum quoddam concilium constituerent; huic qui intererant concilio, Panhellenes singuli vocabantur ⁷⁴). — Ex Atticis autem theoriis partim commemoratae, partim commemorandae sunt quae in Delum et ad quattuor illos Graecorum communes ludos mittebantur, quae Delias, Pythias, Isthmias, Olympias, Nemeas, ut theori illuc missi Deliaestae, Pythiastae, Isthmiastae cet. appellabantur ⁷⁵). Etiam Dodonam ab Atheniensibus theoriam cum victi-

73) Thuc. I, 25. οὕτε γὰρ ἐν πανηγύρεσι ταῖς κοιναῖς διδόντες γέρα τὰ νομιζόμενα. Diodor. XII, 30. οἱ δὲ Κορίνθιοι — τοὺς δὲ Κερκυραίους μισοῦντες διὰ τὸ μόνους τῶν ἀποίκων μὴ πέμπειν τὰ κατειθισμένα ἱερῶα τῇ μητροπόλει.

74) Corp. Insc. Gr. no. 247. c. n. Boeckhii. no. 351. c. n. 1068. 1072. 1124. 1256. C. O. Mueller Aeginet. p. 157 sq.

75) Harpocrat. Suid. v. *Δηλιασταὶ οἱ εἰς Ἀῆλον ἐξιελθόντες θεωροί*. Hesych. *Δηλιασταὶ οἱ εἰς Ἀῆλον πεμπόμενοι θεωροί*. Athen. VI, 234. f. Ἐν δὲ τοῖς κύρβεσι τοῖς περὶ τῶν Δηλιαστῶν οὕτως γέγραπται. *Πυθιαστάς* formam unus quidem Hesychius v. *ἀστράπτει* habet, analogia autem ita tnetur, quam Welckerns (Addend. ad Aesch. Tril. p. 131.), Schoemannus (in Isaeum p. 367.), alii merito praetulerint formae *Πυθαῖσταί*, quam praeter Stephan. Byz. v. *Πυθώ* etiam Strabo IX, 404. exhibet. *Πυθιασταὶ καὶ Δηλιασταὶ* in Philochori loco de coniectura rescripsimus; eodem loco *Πυθιάς θεωρία* extat, Ephorus autem ap. Strab. IX, 422. solum *Πυθιάς* posnit (*λέγει τὴν ὁδὸν ἣν νῦν Ἀθηναῖοι τὴν Πυθιάδα πέμπονσι*) eodem significatu, nisi et hic est, ut ap. Isaeum de Apollod. h. §. 27. *ἦσαν ἐκ τῆς Πυθιάδος suppleto ἑορτῆς*, de sollemnitate Pythica intelligendum. De theoria Delum missa omnia in vulgus nota; cf. praeter ea quae supra excitavimus, Heindorfium et Wyttenbachium ad Platon. Phaedon. init; de Pythica omnia occupavit Muellerus de Doriens. I, 239 sq., de Isthmica Welckerns l. c. p. 131 sqq. Olympicam Atheniensium theoriam testantur Demosth. f. l. 380, 21. Pseudo-Andoc. c. Alcib. p. 126. Dinarch. c. Demosth. p. 57. R. Nemeaeam Demosth. Mid. 552, 5.

ma mitti solitam arguit oraculum Dodonaeum ⁷⁶⁾, quo neglecti eius officii accusantur; eodem Boeoti quotannis tripoda donarii caussa mittebant; ad Ammonem statim fuisse aliquando Atheniensium theoriam fidem facit navis illa Ammonias, cuius ex superstitionibus scriptoribus primus mentionem iniecit Dinarchus; cultus enim Ammonis per Croesum et Cyrenaeos primum ad Eleos, mox est ad reliquos Graecos propagatus ⁷⁷⁾, Atheniensibus autem iam Aristophanis temporibus Ammon ut celeberrimi oraculi praeses notus erat, et sacrificium Ammoni ab strategis factum commemoratur in inscriptione quadam, quae Olympiadis CXL est. Omnium autem deorum unus Apollo, Pythius ille, ni fallor, Theari ipse cognomine colebatur ⁷⁸⁾.

Atque haec quidem hactenus, quibus illud si non assecuti certe secuti sumus, ut Graecorum legationes sacras sacris ipsis respondisse atque ad sacrorum naturam aptatas esse pateret, ad quae essent missae; gens autem nulla temere tantum tribuerit illis legationibus quam Graeca.

Sed quorsum haec potissimum ad Vos perscripsimus, Viri amplissimi et doctissimi? Etenim sollemnia si indixissetis sola pompaeum magnificentia, ludorum apparatu, animorum remissionibus celebranda, quos eorum in partem vocassetis, deberent etiam ipsi non eo

76) Dem. c. Mid. 531, 15.

77) Boeckh. Corp. Inscr. Gr. I, p. 252. ad no. 157. Oec. Civ. Ath. II, 259.

78) Hesych. s. v.

carere, quod aut lumen quoddam et fastum adderet, aut ad relaxandos animos valeret. Cum laetitiam pietate temperatam indixeritis ex praetectorum recordatione, ex praesentium adspectu, ex futurorum praesagitione capiendam, quid praeter castas et puras mentes, sine quibus nullae omnino religionis caeremoniae obiri possunt, adferre debebunt, qui ad hilaritatem Vestram aut publice theori mittentur, aut privatim accedent? Primum memoriam, capacem illam non aliquot illustrium nominum eorum, quos, cum hoc seculo apud Vos bonas artes aut docuerint aut didicerint, nulla quidem posteritatis oblivio obscurabit, sed non minus quam Georgia Augusta omnis sibi orbis eruditus vindicat; verum eorum potius, qui ut laudis immortalitati commendarentur, Vestrae universitati et professi sunt se debere, et deberi intellectum est; non artium, quas apud Vos unus vel alter aut coepit colere aut excoluit insigniter, potuisset etiam apud alios excolere, non librorum utut acutissimorum et eruditissimorum, qui editi apud Vos sunt, edi etiam alias potuissent, sed eorum potius librorum, qui ut scriberentur, fecisse Georgia Augusta videtur, sed earum potius artium, quae sunt ea constantia per temporum continuationem a Vestris hominibus factitatae et excultae, ut Vestrae quodammodo videri possint. Ea enim memoria docebit non tantum, quid artes et doctrinae nobilissimis viris, quos fors et casus dici posset in Georgia Augusta congregasse, sed quid Georgia Augusta consortio ni debeat, quam mira perseverantia ratio conciliavit. — Dein oculos, non illos ad actum tantum tempus perspicaces ad praesentia autem quasi insolita luce praestricos, sed praesentis etiam lucis et avidos et capaces. — Denique divinationem futura non hariolantium sed signis numquam fere

ementientibus praesentientium, neque in iis, quae divinitus recondita hoc sintne an illo modo exitura ne interest quidem nostra, curiosorum, sed divina quadam mente latentem caussarum et effectuum cohaerentiam perspicientium. Haec temperet et ingenium livore ita liberum, ut bonis non angatur alienis sed gaudeat tamquam suis, et mens perspiciens vinculo quodam non artes tantum, quae ad humanitatem pertineant, sed artium etiam palaestras contineri, inter Germanicas autem universitates ut studiorum, ut disciplinae, ut morum, ita etiam hominum et docentium et discentium necessitudinem intercedere, eamque non minus quam bonis litteris esse etiam communi patriae salutarem, quippe quae non mediocriter faciat ad colligendos Germanorum animos conciliandosque.

Ita in Vos animati, ita in omnes universitates affecti legatum ad sacra secularia Vestra mittimus non privatum hominem sed qui hoc anno apud nos summo cum magistratu et imperio est, eundem non plane peregrinum Vobis sed civem olim Vestrum, quem, praeter communes omnium, quaedam etiam propriae rationes iubebunt Vobiscum in memoriam redire praeteritae, praesenti gaudere, pro futura Vestra felicitate vota concipere. Is reddet Vobis non pretiosum donarium ex auro factum et gemmis distinctum sed munusculum, quod Vobis tamen acceptum fore speramus, cum ab eo profectum sit, qui nunc apud nos bonas litteras magna cum laude profitetur, Vester tamen olim fuit, Hannoveranus et origine et docendi tirociniis, Gottingensis disciplinae quondam alumnus, quem sci-
mus non minimam voluptatem ea ex re percepisse, quod Gottingensibus potissimum copiis adiutus Gottingensium secularium ludorum caussa de

Borussorum Lithuanica lingua commentatus, potuerit ita eadem opera pietatem et observantiam testari et veteri patriae, quae se genuisset, et novae quae se recepisset. Ita collegae coniunctissimi et eruditissimi Augusti Friderici Pottii commentatio „de principatu quum in Slavicis tum in Letticis linguis Borusso - Lithuanicae adiudicando” redit ad Vos primitiarum illarum ad instar, quas ab Graecis coloniis sollemnium caussa missos theoros obtulisse modo narravimus.

Nos autem ita Vobis gratulamur, et nihil magis in votis habemus, quam ut instantia sollemnia ne praesentium animos brevi tantum et celeriter peritura perfundant voluptate et suavitate, sed ut relinquunt, quod ad animos conciliandos, ad omnium universitatum salutem pertineat, faciatque, ut bonis artibus suus sit apud principes populosque honos. Valete et nobis ita favete, ut Vestrae existimationis nos quoque perpetuo erimus studiosissimi et cupidissimi.

D. Halis Saxonici a. d. pridie Idus Septembres MDCCCXXXVII.

Cum hoc de sacris Graecorum legationibus commentariolum esset intra paucissimos dies et scribendum et typis exprimendum, si quae aut auctori aut operis exciderint sphalmata, aequi lectores excusabunt; sic p. VI v. 14 pro θύ lege θύα. Ib. not. 3 pro incredibile addit tamen l. incredibile tamen. p. VII v. 7 l.: θεῦροί. Ib. not. 7 pro ed l. id. p. VIII v. 6 post Bucatium addè: (Aprilem).